

Қазақстан Республикасының мемлекеттік наградаларымен наградтауға ұсынудың және оларды тапсырудың тәртібі туралы нұсқаулықты, Қазақстан Республикасының мемлекеттік наградалары құжаттарының үлгілерін және Қазақстан Республикасының мемлекеттік наградалары белгілерінің сипаттамасын бекіту туралы

Қазақстан Республикасы Президентінің Өкімі 1999 жылғы 8 қараша N 90.

"Қазақстан Республикасының мемлекеттік наградалары туралы" Қазақстан Республикасы Заңының 3-бабына сәйкес және Қазақстанның мемлекеттік наградаларымен наградтауға ұсынуды, оларды есепке алу мен сақтауды ретке келтіру мақсатында:

1. Ұсынылып отырған:

1) Қазақстан Республикасының мемлекеттік наградаларымен наградтауға ұсынудың және оларды тапсырудың тәртібі туралы нұсқаулық (N 1 қосымша);

2) Қазақстан Республикасының мемлекеттік наградалары құжаттарының үлгілері (N 2 қосымша);

3) Қазақстан Республикасының мемлекеттік наградалары белгілерінің сипаттамасы бекітілсін (N 3 қосымша).

2. Қазақстан Республикасы Президенті Өкімшілігінің Басшысы Қазақстан Республикасының мемлекеттік наградаларын және олардың құжаттарын сатып алу, есепке алу мен сақтау тәртібі туралы нұсқаулықты әзірлеп, бекітсін.

Ескерту. 2-тармақ жаңа редакцияда - ҚР Президентінің 2013 жылғы 28 мамырдағы № 205 өкімімен.

3. Осы Жарлықтың 2-тармағында көзделген Нұсқаулықтың талаптары мемлекеттік органдар мен лауазымды адамдар үшін, өздеріне қатысты бөліктерінде, міндетті деп белгіленсін.

*Қазақстан Республикасының
Президенті*

N 1 қосымша
Қазақстан Республикасы Президентінің
1999 жылғы 8 қарашадағы N 90
өкімімен бекітілді

**Қазақстан Республикасының мемлекеттік наградаларымен наградтауға ұсынудың және оларды тапсырудың тәртібі туралы
Нұсқаулық**

1. Қазақстан Республикасының мемлекеттік наградаларымен наградтауға ұсынудың тәртібі

1. Қазақстан Республикасының мемлекеттік наградаларымен наградтауға ұсыну " Қазақстан Республикасының мемлекеттік наградалары туралы" Қазақстан Республикасының Заңына сәйкес жүзеге асырылады.

Награданың түрі наградтауға ұсынылған адамның сіңірген еңбегінің сипаты мен дәрежесі, ең жоғары дәрежелі ерекшелік белгілері - "Алтын Қыран" ордені мен "Халық қаһарманы" және "Қазақстанның Еңбек Ері" атақтарының, Қазақстан Республикасы ордендерінің, медальдарының, құрметті атақтары мен Құрмет грамотасының мәртебелері ескеріле отырып белгіленеді.

**Ескерту. 1-тармаққа өзгерту енгізілді - ҚР Президентінің 2009.12.01. N 278
Өкімімен.**

2. "Алтын Қыран" орденімен наградтауға кандидатураларды Қазақстан Республикасының Президенті айқындайды.

Өзге мемлекеттік наградалармен наградтау жөнінде Қазақстан Республикасының Президентіне Қазақстан Республикасының Парламенті, Үкіметі, министрліктер, агенттіктер, өзге де орталық және жергілікті атқарушы органдар, шығармашылық одақтар мен басқа да ұйымдар ұсыныстар береді.

Наградтауға кандидатураларды еңбек ұжымдары қарап, ұсына алады. Бұл жөнінде награда қағазына жазылады.

3. Дәрежелері бар наградалардан басқа бір наградаға екінші рет қайталап ұсынуға жол берілмейді.

Көп балалы аналарды наградтауды және қаһармандық ерлік жасауға, қиын-қыстау жағдаяттарға байланысты айрықша жағдайларды қоспағанда, кезекті наградаға бұдан бұрынғы наградтаудан кейін кемінде бес жыл өткен соң ғана ұсынуға болады.

Қазақстанның халық жазушысы" құрметті атағы Қазақстан Республикасының әдебиетін дамытуға айрықша үлес қосқан, бұрын "Қазақстанның еңбек сіңірген қайраткері" ("Заслуженный деятель Казахстана") құрметті атағына ие болған адамдарға және (немесе) әдебиет саласындағы Қазақстан Республикасы мемлекеттік сыйлықтарының лауреаттарына беріледі.

**Ескерту. 3-тармаққа өзгерту енгізілді - ҚР Президентінің 2007.03.25. N 114;
20.10.2023 № 90 өкімімен.**

4. Мемлекеттік наградаға ұсынылушының әрқайсысына белгіленген үлгідегі награда қағазы толтырылады (N 1 және N 2 нысандары қоса беріліп отыр).

Награда қағазында (N 1 нысан) наградталушының жеке басын, оның жұмыс істеген саладағы және осы ұжымдағы жалпы еңбек өтілін, сіңірген нақты еңбегін сипаттайтын деректер, жұмысының тиімділігі мен сапасы туралы мәліметтер баяндалады; өндірісте еңбек ететіндерге - жұмысының негізгі нәтижелері, сондай-ақ ол аталып өтуі мүмкін награда көрсетіледі.

Награда қағазына ұйым басшысы қол қояды.

Бірінші басшының награда қағазына жоғары тұрған органның басшылығы қол қояды.

Награда қағаздары оларға басшылығы қол қойған ұйымдардың мөрлерімен тиянақталады. Тиісті наградаға ұсынылған көп балалы анаға белгіленген үлгідегі награда қағазы (N 2 нысан) толтырылады.

Награда қағаздарын: жұмыс істейтін аналарға жұмыс орны, жеке-дара еңбек ететіндер мен жұмыс істемейтін аналарға жергілікті атқарушы органдар толтырады және олардың қойған қолымен және мөрлерімен куәландырылады.

Награда қағаздары (N 2 нысан) ана мен балалардың жеке құжаттарының негізінде толтырылады, ал хабарсыз кеткен немесе "Қазақстан Республикасының мемлекеттік наградалары туралы" Заңның 28-бабында көрсетілген жағдайларда қаза тапқан балаларға анықтамалар немесе тиісті органдардың басқа да дәлелдейтін құжаттары ұсынылады.

Балаларды растайтын анықтамалар бір жыл ішінде жарамды.

Награда қағаздары компьютерлік техниканы қолдана отырып толтырылады.

"Халық қаһарманы", "Қазақстанның Еңбек Ері" атақтарына және құрметті атақтарға ұсынылғандардың награда қағаздарымен бірге 3x4 көлемді екі фотосуреті қоса жіберіліп, олардың сыртқы бетіне тектері мен аты-жөні көрсетілуге тиіс.

Дұрыс толтырылмаған және Мемлекеттік наградалар жөніндегі комиссияның отырысына дейін отыз күннен кем мерзімде келіп түскен награда құжаттары қарауға қабылданбайды.

Ескерту. 4-тармаққа өзгерту енгізілді - ҚР Президентінің 2007.03.25. N 114, 2009.12.01. N 278 Өкімдерімен.

5. Наградтауға кандидатураны еңбек ұжымы ұсынған жағдайда, награда қағазы мен наградтау туралы еңбек ұжымының өтінімі келіп түскен материалдарды қарап, ұсыным әзірлейтін тиісті атқарушы органдарға немесе министрліктерге, мемлекеттік комитеттерге, шығармашылық одақтарға, қоғамдық ұйымдарға, әскери ведомстволарға және басқа органдарға жіберіледі.

6. Қазақстан Республикасы Президентінің атына:

меншік нысандарына қарамастан ұйымдардың, жергілікті мемлекеттік органдардың қызметкерлеріне, өңірлік қоғамдық бірлестіктердің өкілдеріне – Астана және Алматы қалаларының, облыстардың әкімдері;

облыстардың, республикалық маңызы бар қалалардың және астананың тексеру комиссияларының төрағаларына - Жоғары аудиторлық палатаның Төрағасы;

орталық мемлекеттік органдардың, Қазақстан Республикасының Президентіне тікелей бағынатын және есеп беретін органдардың, республикалық шығармашылық одақтар мен қоғамдық ұйымдардың қызметкерлеріне – осы ұйымдардың басшылары;

орталық мемлекеттік органдардың, Қазақстан Республикасының Президентіне тікелей бағынатын және есеп беретін органдардың бірінші басшыларына, Астана және

Алматы қалаларының, облыстардың әкімдері мен мәслихаттарының хатшыларына – Қазақстан Республикасының Парламенті мен Үкіметі ұсынымдар енгізеді.

Наградтауға ұсынылғандардың әрқайсысына ұсыным жеке дайындалады.

Ескерту. 6-тармақ жаңа редакцияда - ҚР Президентінің 11.01.2016 № 169 Жарлығымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі); өзгеріс енгізілді - ҚР Президентінің 12.08.2023 № 51 өкімімен.

7. Қорғаныс министрлігінің, Ішкі істер министрлігінің, Ұлттық қауіпсіздік комитетінің, Республикалық ұланның, Қазақстан Республикасы Президентінің Күзет қызметінің әскери қызметшілері мен қызметкерлерін, сондай-ақ осы органдардың азаматтық контингентін наградтау туралы ұсыныс жасау тәртібін осы органдардың басшылығы белгілейді.

8. Қазақстан Республикасының шет елдерде жұмыс істейтін азаматтарын, сондай-ақ шетел азаматтарын және шет елдерде тұратын азаматтығы жоқ адамдарды наградтау туралы ұсынысты Қазақстан Республикасының Сыртқы істер министрлігі немесе республиканың Сыртқы істер министрлігімен келісе отырып, басқа да министрліктер, мемлекеттік комитеттер, өзге де орталық мемлекеттік органдар береді.

Ескерту. 8-тармаққа өзгеріс енгізілді – ҚР Президентінің 05.05.2017 № 471 Жарлығымен.

9. Республика аумағында тұратын шетел азаматтарын наградтауға ұсыну жалпы негіздерде жүргізіледі.

10. Наградтауды алдын ала қарап, ұсыныстар әзірлеу үшін Қазақстан Республикасы Президентінің жанынан Мемлекеттік наградалар жөніндегі комиссия құрылады.

Комиссияның наградтау жөніндегі өтінімдерді қарау нәтижелері туралы кандидатураны ұсынған органға ауызша түрде хабарланады.

Комиссияның наградтау немесе наградтамау жөніндегі шешіміне азаматтардың арыздары мен өтініштері қаралмайды.

11. Қазақстан Республикасы Президентінің мемлекеттік наградалармен наградтау туралы Жарлықтары "Қазақстан Республикасының президенті мен Қазақстан Республикасы Үкіметінің актілер жинағында", республикалық және жергілікті баспасөзде жарияланып, теледидар мен радио арқылы беріледі.

2. Қазақстан Республикасының мемлекеттік наградаларын тапсыру тәртібі

12. Мемлекеттік наградаларды тапсыру салтанатты және жария жағдайда, Қазақстан Республикасы Президентінің Жарлығы күшіне енгеннен бастап екі ай мерзімнен кешіктірмей жүргізіледі.

Қазақстан Республикасының мемлекеттік наградаларын Қазақстан Республикасының Президенті тапсырады.

Қазақстан Республикасы Президентінің тапсыруы бойынша мемлекеттік наградаларды сондай-ақ:

- Қазақстан Республикасының Мемлекеттік кеңесшісі;
- облыстардың, Астана және Алматы қалаларының әкімдері, министрлер, Қазақстан Республикасының елшілері, сондай-ақ Қазақстан Республикасының Президенті соған уәкілдік берген басқа адамдар тапсыра алады.

Ескерту. 12-тармаққа өзгеріс енгізілді - ҚР Президентінің 12.08.2023 № 51 өкімімен.

13. Нағрадаларды тапсыру Қазақстан Республикасы Президентінің Резиденциясында, республикалық, облыстық, қалалық атқарушы органдарында, еңбек ұжымдарының жиналыстарында, сондай-ақ әскери бөлімдер мен бөлімшелерде жүргізіледі.

Қазақстан Республикасының мемлекеттік нағрадасы нағрадталушының жеке өзіне тапсырылады. Награда тапсырылар алдында Қазақстан Республикасы Президентінің нағрадтау туралы Жарлығы жария етіледі.

14. Нағрадталушының әрқайсысына мемлекеттік награда табыс етілуімен бір мезгілде нағрадталғандығы туралы мынадай құжаттар да:

- "Алтын Қыран" орденімен нағрадталған адамға - орден кітапшасы;
- "Халық қаһарманы" атағы берілген адамға - "Халық қаһарманының" кітапшасы мен куәлігі;

- "Қазақстанның Еңбек Ері" атағы берілген адамға - "Қазақстанның Еңбек Ерінің" кітапшасы мен куәлігі;

- орденмен нағрадталған адамға - орден кітапшасы;

- медальмен нағрадталған адамға - медальдің куәлігі;

- құрметті атақ берілген адамға - құрметті атақтың куәлігі беріледі.

Көп балалы анаға наградамен бірге орден кітапшасы табыс етіледі.

Ескерту. 14-тармаққа өзгерту енгізілді - ҚР Президентінің 2009.12.01. N 278; 15.02.2019 № 278 Өкімдерімен.

15. Барлық награда құжаттары Қазақстан Республикасы Президентінің Өкімшілігінде толтырылады.

Нағрадтау туралы құжаттар мерзімсіз болып табылады. Нағрадтау туралы құжатқа қандай да бір түзету енгізуге болмайды. Нағрадталушының тегі, аты, әкесінің аты өзгеруіне байланысты нағрадтау туралы құжат айырбастауға жатпайды.

"Халық қаһарманының", "Қазақстанның Еңбек Ерінің" куәліктеріне және құрметті атақтардың куәліктеріне нағрадталушылардың фотосуреттері жапсырылып, олар мөрмен куәландырылады.

Ескерту. 15-тармаққа өзгерту енгізілді - ҚР Президентінің 2007.03.25. N 114, 2009.12.01. N 278; 15.02.2019 № 278 Өкімдерімен.

16. Мемлекеттік награда тапсырылғанға дейін награда тапсырылатын жерде нағрадталғандардың тізім (N 3 нысан) толтырылады, оған награда тапсырылғаннан кейін оны алғаны туралы нағрадталушы жеке өзі қол қояды.

Тізім награданы тапсырған адамның қойған қолымен және оны тапсырған органның мөрімен бекітіледі.

Наградталушының тегін, атын, әкесінің атын жазуда әріп айырмашылығы байқалған жағдайда түзету актісі (N 6 нысан) жасалып, оған жергілікті атқарушы орган басшысының қолы қойылып, тапсыру хаттамасына тіркеледі.

Ескерту. 16-тармаққа өзгерту енгізілді - ҚР Президентінің 2007.03.25. N 114 өкімімен.

17. Мемлекеттік награда тапсырылып болғаннан кейін тапсыру хаттамасы (N 4 нысан) жасалып, ол награда тапсырған адамның қойған қолымен, тапсырған органның мөрімен бекітіледі.

Наградталушы қайтыс болып, мемлекеттік награда оған тірі кезінде тапсырылмаған жағдайда немесе ол қайтыс болғаннан кейін наградталса, награда мен оның құжаттары естелік ретінде сақтау үшін наградталушының отбасына беріледі. Бұл жөнінде хаттама рәсімделіп (N 5 нысан), ол Қазақстан Республикасы Президентінің Әкімшілігіне жіберіледі.

Егер наградталушы сырқаттығына, мүгедектігіне байланысты тапсыруға келе алмаған жағдайда оған награда оның үйінде немесе ол емделіп жатқан мекемеде тапсырылуы мүмкін.

Наградталушының мекен-жайы өзгерген жағдайда (облыстан, республикадан тысқары жерге кетуіне байланысты) жергілікті жерлерде награда тапсырудың мүмкіндігі болмаған наградталушылардың тізімі жасалып (N 7 нысан), Қазақстан Республикасы Президентінің Әкімшілігіне жіберіледі.

18. Мемлекеттік наградаларды жергілікті жерде тапсыруды ұйымдастыру мен өткізу жауапкершілігі облыстық, Астана және Алматы қалаларының атқарушы органдарына жүктеледі.

19. Қазақстан Республикасының ордендерін, медальдарын және басқа да ерекшелік белгілерін тағып жүрудің тәртібі "Қазақстан Республикасының мемлекеттік наградалары туралы" Қазақстан Республикасы Заңының 32 және 33-баптарының шарттарымен реттеледі.

Наградталушыда бұрынғы КСРО мен басқа шет мемлекеттердің мемлекеттік наградалары бар болған жағдайда, КСРО мен шет мемлекеттердің наградалары Қазақстан Республикасының наградаларынан кейін, жоғарыда аталған Заңның 11 және 18-баптарында белгіленген ретпен орналастырылады.

Наградталған адамдар ордендер мен медальдардың орнына наградалардың белгіленген үлгідегі символдарын таға алады.

20. Қажет болған жағдайда наградаға құқықты қалпына келтіру наградтауға ұсыныс беруге құқылы органдардың өтінімі бойынша жүзеге асырылады.

Мемлекеттік наградалар мен олардың құжаттарының көшірмелерін беру тәртібі "Қазақстан Республикасының мемлекеттік наградалары туралы" Қазақстан

Республикасы Заңының 38-бабының шарттарымен реттеледі. Қажет болған жағдайда наградталушы жоғалғандарының орнына наградалар мен олардың құжаттарының көшірмелерін беру жөнінде жергілікті атқарушы органға өтініш беруіне болады. Өтінішке наградталғандығы туралы құжат, жоғалу жағдаяттары жөніндегі мемлекеттік органның немесе мекеменің құжаты қоса тіркеледі. Жергілікті атқарушы орган өтінішті қарағаннан кейін, өз шешімін, наградталушының өтініші мен оған тіркелген құжаттарды қарап, Мемлекеттік наградалар жөніндегі комиссияға ұсыныс беру үшін облыстық атқарушы органға жібереді.

Наградтау туралы құжаттың көшірмесі қолданылып жүрген бланкіге толтырылып, оған "көшірме" деген сөз жазылады.

21. Жарамсыз күйге түскен мемлекеттік наградалар мен наградтау туралы құжаттарды айырбастау айрықша жағдайларда ғана, бүлінген белгі мен оның құжаты қоса жіберілген, наградталушының өтініші және жергілікті атқарушы органның өтінімі бойынша Мемлекеттік наградалар жөніндегі комиссияның шешімімен жүргізілуі мүмкін.

№ 1 нысан
Қазақстан Республикасы

(облысы)

НАГРАДА ҚАҒАЗЫ

Ескерту. 1-нысан жаңа редакцияда - ҚР Президентінің 2013 жылғы 28 мамырдағы № 205 өкімімен.

1. Тегі, аты, әкесінің аты _____

2. Жеке сәйкестендіру нөмірі (ЖСН) _____

3. Лауазымы, жұмыс, қызмет орны (кәсіпорын, мекеме, ұйым бөлімшесінің атауы дәл көрсетілуі керек) _____

4. Жынысы _____ 5. Туған жылы мен туған жері _____

6. Ұлты _____

7. Білімі _____

8. Ғылыми дәрежесі, ғылыми атағы _____

9. Қазақстан Республикасының қандай мемлекеттік наградаларымен наградталған және наградталған уақыты: _____

10. Үйінің мекенжайы _____

11. Жалпы жұмыс өтілі _____ 12. Саладағы жұмыс өтілі _____

13. Осы еңбек ұжымындағы жұмыс өтілі _____

14. Наградталушының нақты айрықша еңбегін сипаттайтын мінездеме:

Кандидатура

(кәсіпорынның, мекеменің, ұйымның атауы

талқылау болған уақыт, хаттаманың №) _____

талқыланып, ұсынылған.

Мына наградаға ұсынылады _____

(награданың түрі)

Кәсіпорынның, мекеменің, Облыстық, республикалық
ұйымның басшысы атқарушы органның басшысы

(тегі, аты-жөні) (тегі, аты-жөні)

(қолы) (қолы)

М.О. М.О.

_____ жылғы " _____ " _____

(толтырылған айы, күні)

Ескертпе: наградалушының тегі, аты және әкесінің аты жеке басының куәлігі бойынша толтырылып, қазақ және орыс тілдеріндегі транскрипциясы міндетті түрде көрсетіледі.

№ 2 нысан

Қазақстан Республикасы

(облысы)

**Мемлекеттік наградаға ұсынылған көп балалы
анаға арналған**

**Ескерту. 2-нысан жаңа редакцияда - ҚР Президентінің 2013 жылғы 28 мамырдағы
№ 205 өкімімен.**

НАГРАДА ҚАҒАЗЫ

1. Тегі, аты, әкесінің аты

2. Жеке сәйкестендіру нөмірі (ЖСН) _____

3. Туған жылы _____ Туған жері _____

4. Ұлты _____

5. Лауазымы мен жұмыс орны _____

6. Көп бала тәрбиелеп өсіргені үшін бұрын қандай наградалармен наградталды

7. Ананың балалары жөніндегі мәліметтер:

№№ р/с	Тегі	Аты	Әкесінің аты	Туған жылы	Балалары қазір қайда тұрады
-----------	------	-----	--------------	------------	-----------------------------

1.

2.

3.

4.

5.

6.

7.

8. Соңғы баланың туған жылы мен айы _____

9. Ананың үйінің мекенжайы _____

10. _____ ұсынылады
(награданың түрі)

**Көп балалы ананың отбасы мен балаларына
ҚЫСҚАША МІНЕЗДЕМЕ**

_____ Кәсіпорын, мекеме, жергілікті (тегі, аты-жөні)

атқарушы орган басшысының қолы М.О.

(қатыстылығына қарай)

Атқарушы органның шешімі _____

_____ Аудандық (қалалық) атқарушы (тегі, аты-жөні)

орган басшысының қолы М.О.

_____ жылғы " _____ "

(толтырылған айы, күні)

Ескертпе: наградталушының тегі, аты және әкесінің аты жеке басының куәлігі бойынша толтырылып, қазақ және орыс тілдеріндегі транскрипциясы міндетті түрде көрсетіледі.

№ 3 Нысан
Қазақстан Республикасы

облысы

Ескерту. 3-нысан жаңа редакцияда - ҚР Президентінің 2007.03.25. № 114 өкімімен.

награда тапсырылған орын награда тапсырылған уақыт

(облыс, қала, аудан)

Қазақстан Республикасы Президентінің

200 __ жылғы _____ № ____ Жарлығы бойынша

НАГРАДТАЛҒАНДАРДЫҢ ТІЗІМІ

р/с №	Тегі, аты, әкесі- нің аты	Награ- даның түрі	Орденнің, Алтын жұлдыздың нөмірі	О р д е н кітапшасы- ның, медаль, құр - метті атақ куә- лігінің нөмірі	Наград- талушы- ның қолы
1	2	3	4	5	6

Мәліметтердің дұрыстығын және наградталушының
қойған қолын растаймын

(тегі, аты, әкесінің аты, лауазымы)

(қолы)

М.О.

" ____ " _____ ж.

№ 4 Нысан
Қазақстан Республикасы

облысы

**Қазақстан Республикасының мемлекеттік
наградаларын тапсырудың
Хаттамасы**

тапсырылған орны тапсырылған уақыты

Мен, _____

тапсырушының қызметі, тегі, аты-жөні

Қазақстан Республикасы Президентінің атынан наградталғандарға
мемлекеттік наградаларды тапсырдым:

Қазақстан Республикасы Президентінің
_____ Жарлығы

бойынша
награданың түрі

Тегі, аты-жөні (Жарлық бойынша) қызметі (Жарлық бойынша)
М.О.

(тапсырушының қолы)

№ 5 Нысан
Қазақстан Республикасы

(облысы)

**Қайтыс болған наградталушының отбасына мемлекеттік награданы
табыс етудің (қайтыс болғаннан кейін)
Хаттамасы**

тапсырылған күні

Мен, _____
(табыс етушінің қызметі, тегі мен аты-жөні)

Қазақстан Республикасы Президентінің _____ жылғы " ____ " _____
Жарлығы бойынша марқұм (қайтыс болғаннан кейін) _____

наградталушының тегі, аты, әкесінің аты

награданың, құжаттың түрі

оның _____
еріне, әйеліне, ұлына, қызына, асыраушысына, қамқоршысына,

әкесіне, анасына, ағасына, інісіне, әпкесіне, қарындасына

тегі, аты, әкесінің аты
табыс еттім.

(табыс етушінің қолы)

М.О.

№ 6 Нысан
Қазақстан Республикасы

(облысы)

**Наградталушылардың тектеріне, аттары мен әкесінің
аттарына түзетулер енгізу туралы**

Акт

Қазақстан Республикасының мемлекеттік наградаларын тапсыруға әзірлік кезінде мынадай айырмашылықтар анықталды:

Қазақстан Республикасы

Президентінің

_____ Жарлығы

награданың түрі

Былай болып кеткен: Былай болуға тиіс:

Әкім

№ 7 Нысан
Қазақстан Республикасы

(облысы)

**Қазақстан Республикасы Президентінің Жарлықтарымен
наградталып, бірақ мемлекеттік наградаларды тапсырудың
мүмкіндігі болмаған адамдардың**

Тізімі

NN Наградталушының Жарлықтың Награданың Тапсырылмау себептері

р/с тегі, аты-жөні шыққан түрі мен жаңа мекен-жайы

уақыты мен

нөмірі _____

Кеткен жері

(мекен-жайы)

Қайтыс болған (туыстары жоқ)

Шетелге іссапарға кеткен

(оралу мерзімі)

Әскери қызметке шақырылған

Көрсетілген наградаларды _____

(облысы)

облысының есебінен шығаруды сұраймыз.

Әкім

РҚАО-ның ескертпесі!

Қазақстан Республикасының мемлекеттік наградалары құжаттарының үлгілері (2-қосымша) осы өкіммен қоса берілмеген.

Ескерту. 2-қосымшаға өзгеріс енгізу көзделген – ҚР Президентінің 15.02.2019 № 278 өкімімен.

РҚАО-ның ескертуі!

Қазақстан Республикасы Мемлекеттік наградалары белгілерінің сипаттамасы (3-қосымша) осы өкіммен қоса берілмеген.

Ескерту. 3-қосымшаға өзгерістер енгізу көзделген - ҚР Президентінің 2009.12.01 N 278, 2010.09.08 N 436; 31.03.2015 N 353; 28.05.2015 № 4; 25.05.2020 № 109; 12.08.2023 № 51; 20.10.2023 № 90 өкімімен.